



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ecloga VI. Qvinqvennis.

urn:nbn:de:hbz:466:1-13534

ECLOGA. VI. QVINQUENNIVS.

Institutio ad vitæ cultum, & religionem.

Quinquennius filius, Peluina mater.

QVIN.

Ic mater Peluina, fragor quis tantus,
& unde?

d Dolia num stringitq; cados uindemia,
& arctat?

Hci mihi, quàm crebi rutilant de nu-
bibus ignes. PEL.

Abde sinu te nate meo, atq; amplectere matrem.

Ne trepida. Di nate focis genialibus astant,

Castaneasq; suo prunis cum cortice torrent.

Ille ubi sub cinere ardentem sensere fauillam,

Displosæ crepitant. hinc tanta tonitrua coelo,

Disiectiq; riuunt ignes. caput exerce nate,

Di mensas liquere, neq; est metus ullus ab igne. QV.

Me miserum, properat, procul en uestigia nosco,

Orcus adest, atq; ore minax, ac dentecruentus.

Hunc mater mihi pelle manu. trahit horrida crura,

Et quassat caput, & mento riget hispida barba.

Hunc abigis Peluina mihi. P. Fuge sæue. quid audes

In puerum? fuge claude. meus iam nocte quiescit,

Inq; diem queritur nihil hic meus. I. pete tesqua,

Atq; famem solare faba, in glunemq; lupino. QV.

Quid mater? baculū ne quatit ferus, et riget aure, Pel.

Illum ego nate anuro inclusi, scintillaq; cecidi. QV.

ECLOGA.VI.

Anne etiam Zona uinxisti. P. Et compede cruda. QV.
 Nunc mater tete amplector, noua q; oscula iungo. PEL.
 Quinquenni mihi care tua hæc sunt oscula iunge
 Atq; itera. Q. En itero. dic o' mea, dic age quid nam
 Hic Orcus deus est? P. Deus est hic nate, malignum
 Numen, & in pueros sæuum grassatur. It umbra
 Dentuorax umbra, horrificans noctemq; diemq;
 Et baculo ferit, & dextra rapit, & trahit unco,
 Fauce & hiat puerum, queritur qui nocte, die qui
 Oblatrat matri, mammæq; irascitur. illum
 Et dextra fouet, & cauda denulcet amicta,
 Qui ridet matri, inq; sinu nutricis amata
 Dormiscit, capit absynthi & cum melle liquorem.
 Quin cui brasicula semen placet, huic dat ab ipso
 Blandus auem nido, dat pictæ colla columbæ,
 Quam tibi pollicitus. Q. Num perlita crustula melle
 Est quoq; pollicitus? P. Dabit hæc tibi nate benignum
 Numen, & ille deus, cui nos, atq; omnia curæ. QV.
 Dic mater, deus iste quis est, numenq; benignum? PEL.
 Qui tenerum lactis florem, ac ientacula præbet,
 Dum matri puer obsequitur, dum paret alenti.
 Qui plena melimela manu, croceasq; placentas
 Dat pueris, dum litterulas, et carmina discunt. QV.
 Num det fraga mihi, cerasi num molle quasillum?
 Ad ferulam cum discipulis si crastinus asto, PEL.
 Quin & cariculas, quin mitia sorba, nucemq;
 Pineolam, & dulci persusa cydonia musto.
 En crustu, en prunu aridulu, en mustacea, et offas. QV.
 Num genitrix deus hic panem post uina canenti
 Mulsa sacerdoti miscet, dat sorbile & ouum?

Quin & auem. pinguem ipse suum uult esse ministrū. **Pel**
 Det tibi auellanas, ficumq; unamq; recentem,
 Inuis quoties templum, & ueneraberis arant,
 Et fāris bona uerba. Q. Monedula si mihi detur,
 Qui ue gemat cauea turtur, uel tympana pulsem,
 Dum facit antistes rem sacrā, atq; incubat aræ. **PEL.**
 His ego citriolum, frondenti & præcoqua ramo
 Addiderim, nulla in gremium si lotia noctu
 Fuderis Vntiliæ, tibi quæ dedit hubera paruo.
 Nunc grandem loti pudeat. Q. Mihi desine mater
 Irasci. sopor ipse grauat, nam sæpe per umbram
 Ludere cum pueris uideor, uel littore primo
 Nare simul, nassaq; leues includere pisces,
 Exclusos mox elabi, me subdier amni,
 Stillare & liquidum madefacto è corpore rorem.
 Hoc nato mater præsta, ut deus ille benignus
 Excitet è somno stupidum, exhibeatq; matellam.
 Cedam ego cariculis siccis, dulciq; placentæ. **PEL.**
 Atqui nate deus nil esurit. ille matellam
 Haud curat. quin dona cape, & cape semina, quis tu
 Vrinam moderere, & lotia rara remittas.
 Sin aliter, deus ille atrox tibi nate flagellum
 Incutiet. uolat explorans, quis iuntea paruus
 Inquinet, urticæq; decem fert se ante maniplos,
 Et cædit scuticæ, nigroq; inuoluit amictu
 Micturientem aliquem, terroq; absorbet hiatu.
 Mitescit tamen, & rictus compescit hiantis,
 Pectendum quoties matri, buxoq; colendum
 Præbueris caput, & purgandum lende capillum.
 Nam secus, intortum orditur de uertice funem

Quo puerum trahit, & deserta exponit in alga,
 Inuitatq; avidas ad aperto gutture phocas.
 Quare age atre mihi cervicem amplectere, & ipso
 Lude sinu, simul abde oculos, & collige somnū. **QV.**
 An mater mihi blanditias, & carmina dices? **PEL.**
 Dicam nate. etiam cunas modulabor ad ipsas
 Neniolam. cape neniolam, & nigra lumina conde.

FINIS.